



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-285-36/24**

Datum: **22.04.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica JP za prostorno planiranje i uređenje grada «Zenica» d.o.o. Zenica podnesenim u ime Grada Zenica radi donošenje rješenja o vodnoj saglasnosti na projektnu dokumentaciju za izgradnju pristupnih saobraćajnica koje se planiraju graditi u poslovno-rekreativnoj turističkoj zoni „Zenica–Jug“, grad Zenica, na osnovu člana 109. stav (1) tačka 2. i 9., a u vezi sa članom 12. stav (1) Zakona o vodama („Službene novine FBiH“ broj: 70/06), Zaključka Vlade FBiH V. broj: 57/2026 od 14.01.2026. godine i člana 200. stav (1) Zakona o upravnom postupku („Sl. novine FBiH“ broj: 2/98, 48/99 i 61/22), **donosi**

RJEŠENJE **o vodnoj saglasnosti**

1. Gradu Zenica, daje se vodna saglasnost na projektnu dokumentaciju za odvodnju oborinskih voda sa pristupnih saobraćajnica koje se planiraju graditi u poslovno-rekreativnoj turističkoj zoni „Zenica–Jug“, grad Zenica, u skladu sa projektnom dokumentacijom:

„Glavni projekat: korigovani projekat oborinske vode sa saobraćajnica, njihov tretman, rješavanje oborinskih i brdskih zaobalnih voda u sklopu poslovno – rekreativno – turističke zone Zenica–Jug, grad Zenica“ (knjiga 1 i 2), urađen od strane projektne kuće „Ibis“ d.o.o. Zavidovići, februar 2025. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za snabdijevanje vodom, ispuštanje sanitarnih otpadnih voda i uređenje vodotoka (potoka) na području poslovne zone, od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona, odnosno nadležne općinske/gradske službe, u skladu sa članom 139. stav (2) tačka 1. i 2. i stav (3) Zakona o vodama.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva, koja čini sastavni dio ovog rješenja i koja se, ovjerena od ove Agencije, vraća podnosiocu zahtjeva na trajno čuvanje.
5. Vodna saglasnost se donosi na osnovu utvrđenog činjeničnog stanja, prema uslovima iz Rješenja o prethodnoj vodnoj saglasnosti:
 - 5.1. Radove na izgradnji sistema za prikupljanje i ispuštanje oborinskih voda sa planiranih saobraćajnica izvesti u skladu sa projektnom dokumentacijom iz tačke 1. dispozitiva ovog Rješenja.
 - 5.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 5.3. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 5.4. Ukoliko se tokom izvođenja radova utvrdi da je lokalitet predmetnih radova u koliziji sa postojećim instalacijama i stečenim pravima korisnika, riješiti njihovo ukrštanje ili izmještanje, uz saglasnost nadležnih preduzeća, odnosno organa uprave.

- 5.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
- 5.6. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 5.7. Podnosilac zahtjeva je obavezan ispoštovati uslove iz „Lokacijske informacije“ sa urbanističko-tehničkim uslovima, donesene od strane Službe za urbanizam Grada Zenica, broj: 03-19-1925/25 od 05.05.2025. godine.
- 5.8. Nakon završetka radova neophodno je radni pojas, koji uključuje inundacioni pojas i desnu obalu rijeke Bosne, urediti i očistiti od gradilišnih objekata, mehanizacije i gradilišnog otpada i teren vratiti u prvobitno stanje.
- 5.9. Izlazne građevine na projektovanim ispustima u korito rijeke Bosne potrebno je uklopiti u postojeću obalu, osigurati ih od erozije te, nakon izvođenja radova, teren vratiti u prvobitno stanje.
6. Ukoliko se izvođenjem predmetnih radova ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
7. Po završetku izvođenja radova i obavljenom tehničkom pregledu izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članovima 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“ broj: 31/15, 55/19, 41/20 i 63/22).
8. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na teret korisnika.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i ne budu započeti radovi.
10. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JP za prostorno planiranje i uređenje grada «Zenica» d.o.o. Zenica, obratilo se u ime Grada Zenica ovoj Agenciji sa zahtjevom za donošenje rješenja o vodnoj saglasnosti za odvodnju oborinskih voda sa pristupnih saobraćajnica koje se planiraju graditi u poslovno-rekreativnoj turističkoj zoni „Zenica–Jug“, grad Zenica, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 za Grad Zenica - gradonačelnik izdatog dana 27.02.2017. godine od strane Službe za statistiku za područje Zeničko-dobojskog kantona,
- Kopija Lokacijske informacije za izgradnju saobraćajnica sa infrastrukturom u „Poslovno-rekreativno turističkoj zoni „Zenica–Jug“ od 13.03.2023. godine, donesena od strane Službe za urbanizam Grada Zenica, broj: 03-19-750/24 od 14.03.2024. godine;
- Kopija Lokacijske informacije, broj: 03-19-1925/25, za izgradnju saobraćajnica sa infrastrukturom u „Poslovno-rekreativno turističkoj zoni „Zenica–Jug“ donesena od strane Službe za urbanizam Grada Zenica, 05.05.2025. godine;

- Revidovan Glavni projekat izgradnje saobraćajnica u Poslovno-rekreativno turističkoj zoni „Zenica–Jug faza I, JP „Zenica“ d.o.o. Zenica br: 109732/23, decembar 2023. g. (6 primjeraka);
- Konačni izvještaj o izvršenom pregledu projektne dokumentacije (Glavni projekat izgradnja saobraćajnica u poslovno-rekreativno turističkoj zoni Zenica–Jug“, FAZA I, Projektant: JP za prostorno planiranje i uređenje grada „Zenica“ d.o.o. Zenica, broj: 13-IB-RE/24, IBIS d.o.o. Zavidovići, mart 2024. godine;
- Kopija Rješenja o prethodnoj vodnoj saglasnosti izdatoj od strane Agencije za vodno područje rijeke Save Sarajevo, broj: UP-1/21-1-40-367-10/23 od 22.02.2024. godine;
- Kopija Ovlaštenja broj: 09-23-7241/19 LG od 17.06.2022. godine, Grad Zenica, Služba za vodoprivredu, putnu infrastrukturu i mjesne zajednice;
- Dokaz o uplaćenju upravnoj taksi u iznosu 60,00KM.

Nakon uvida u dostavljenu projektnu dokumentaciju utvrđeno je slijedeće:

Uvidom u dostavljeni zahtjev i priloženu dokumentaciju utvrđeno je da je zahtjev nepotpun, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-1/21-2-40-285-2/24 od 06.06.2024. godine kojim je vraćena projektna dokumentacija i zatraženo od podnosioca zahtjeva da dostavi projektnu dokumentaciju usklađenu sa tačkom 4.1. rješenja o prethodnoj vodnoj saglasnosti, u roku od 60 dana od dana urednog prijema dostavljene obavijesti.

Dana 24.07.2024. godine, dopisom broj: 03-1-6386/24 A.I., podnosilac zahtjeva je dostavio zahtjev za produženje roka za postupanje po obavijesti za dopunu. U prostorijama Agencije je održan sastanak dana 23.08.2024. g., na kojem je konstatovano da nije završena tražena projektna dokumentacija te da će se dostaviti novi zahtjev za produženje roka.

Dana 30.08.2024. godine, dopisom broj: 03-1-7020/24 A.I., podnosilac zahtjeva je zatražio produženje roka za 50 dana te je dopisom Agencije od 06.09.2024. godine odobren je novi rok za dostavu dokumentacije do 15.10.2024. godine.

U toku vođenja postupka, podnosilac zahtjeva je 11.10.2024. g. samoinicijativno dostavio „Zahtjev za izdavanje vodne saglasnosti na korekciju plavnog područja za planiranu lokaciju poslovno-rekreativne-turističke zone Zenica–Jug u Zenici“.

Dana 11.10.2024. godine, dopisom broj: 03-1-8409/24 A.I., podnosilac zahtjeva je dostavio obavještenje da je Investiciono-tehnička dokumentacija u fazi izrade te zatražio novo produženje roka za dostavu dokumentacije. Dopisom Agencije od 05.11.2024. godine odobren je rok za dostavu dokumentacije do 19.12.2024. godine.

Dana 04.12.2024. godine, dopisom broj: 03-1-10193/24 A.I., podnosilac zahtjeva je dostavio novi zahtjev za produženje roka za postupanje.

Dana 06.12.2024. godine, dopisom broj: 01-02-795/24 od 02.12.2024. godine, putem ureda Premijera, dostavljen je zahtjev za očitovanje po zastupničkim pitanjima, vezano za izgradnju poslovne zone „Zenica–Jug“.

Dopisom broj: 10-1342-2/24 od 09.12.2024. godine dostavljeno je očitovanje i odgovor na navode o određenim opstrukcijama od strane Agencije vezano za izgradnju poslovne zone „Zenica–Jug“.

Dopisom Agencije od 18.12.2024. godine, postupajući po zahtjevu 03-1-10193/24, odobren je novi rok za dostavu dokumentacije do 31.12.2024. godine. Dana 30.12.2024. godine zatraženo je novo produženje roka za postupanje.

Dopisom Agencije od 10.01.2025. godine, postupajući po zahtjevu 03-1-10892/24 A.I., odobren je novi rok za dostavu dokumentacije do 03.02.2025. godine.

Dana 20.01.2025. godine, dopisom broj: 03-19-53/2025 od 15.01.2025. godine od strane Vlade Federacije Bosne i Hercegovine dostavljen akt gradonačelnika Grada Zenica, u kojem se traži od Vlade da donese zaključak na prvoj narednoj sjednici - da je JP Autoceste FBiH, prilikom izgradnje dionice Autoceste koridora Vc pored grada Zenica, izvršilo nasipanje materijala iz

iskopa na lokalitetu što je bio interes kompletne društvene zajednice, te da se Agencija zaduži da provede proceduru snimanja stvarnog stanja obala rijeke Bosne na lokalitetu poslovno rekreativno turističke zone „Zenica–Jug“ i izvrši korekciju granica plavnog područja.

Dana 29.01.2025. godine, Federalno ministarstvo poljoprivrede, vodoprivrede i šumarstva prosljedilo je akt Agencije broj: 10/40-80-2/25 od 21.01.2025. godine Gradu Zenica, koji je dostavljen odgovor Vladi FBiH vezano za dostavljeni akt gradonačelnika Grada Zenica.

Dana 05.02.2025. godine dopisom broj: 03-1-1074/25 A.I. podnosilac zahtjeva je dostavio Agenciji odgovor o razlozima nepostupanja po obavještenju od 10.01.2025. godine, te zatražio novo produženje roka za dopunu podneska.

Dopisom Agencije od 10.02.2025. godine, postupajući po zahtjevu 03-1-10892/24, odobren je novi rok za dostavu dokumentacije do 03.03.2025. godine.

Dana 21.02.2025. godine, dopisom broj: 03-1-1854/25 A.I., podnosilac zahtjeva je dostavio dopunu podneska.

Dana 17.03.2025. godine, dopisom broj: 40-1142-2/24 dat odgovor od strane Agencije, na zahtjev za izdavanje vodne saglasnosti na korekciju plavnog područja za planiranu lokaciju poslovno-rekreativno-turističke zone Zenica–Jug u Zenici, u kojem je navedeno da se za ovu aktivnost ne izdaje vodni akt te nema uslova za postupanje po zahtjevu.

Dana 14.04.2025. godine, dopisom broj: 03-04-709-11/2025 od 09.04.2025. godine, od strane Vlade dostavljen je na nadležno postupanje akt: *Inicijativa Vladi FBiH za donošenje Zaključka*, podnesen na 19. redovnoj sjednici od strane poslanika Kenana Uzunovića, poslanika u Predstavničkom domu Parlamenta FBiH.

Dopisom broj: 10/40-590-2/25 od 29.05.2025. godine, Agencija je dostavila Vladi FBiH odgovor na podnesenu Inicijativu, u kojem je obrazloženo da nije moguće izdati vodni akt za saobraćajnice koje su planirane unutar linije dopiranja velikih voda rijeke Bosne ranga pojave 1/100.

Dana 02.06.2025. godine, od strane Federalnog ministarstva poljoprivrede, vodoprivrede i šumarstva, Vladi Federacije BiH je dostavljena *Informacija o uređenju prostora radi zaštite od voda poslovne zone „Zenica–Jug“*, sa obrazloženjem predmetne problematike i prijedlogom Zaključka za usvajanje.

Dana 18.06.2025. godine, dopisom broj: 03-21-1134/2025 EL od 13.06.2025. godine, dostavljen je Zaključak Vlade FBiH V. broj: 1008/2025 od 13.06.2025. godine, koji je Vlada FBiH donijela na 215. hitnoj sjednici održanoj 13.06.2025. godine. U zaključku je navedeno:

1. *Vlada FBiH prihvata informaciju o uređenju prostora radi zaštite od voda prostora poslovne zone „Zenica–Jug“.*
2. *Vlada Federacije Bosne i Hercegovine zadužuje Agenciju za vodno područje rijeke Save, Sarajevo, da provede postupak za utvrđivanje stvarnog stanja na obalama rijeke Bosne na lokalitetu poslovne zone „Zenica–Jug“ i o tome izvijesti Vladu i Grad Zenicu.*
3. *Vlada Federacije Bosne i Hercegovine predlaže da Agencija za vodno područje rijeke Save, Sarajevo u skladu sa svojim nadležnostima za izdavanje vodnih akata za aktivnosti čija je izgradnja dozvoljena na vodnom dobru i poplavnom području, te izgradnju zaštitnih vodnih objekata na vodotocima I kategorije u Federaciji BiH, a koji su planirani na predmetnom području, razmotri dalje korake radi pribavljanja potrebnih vodnih akata za uređenje poslovne zone „Zenica–Jug“ i o tome obavijesti Vladu i Grad Zenicu.*
4. *Ovaj zaključak stupa na snagu danom donošenja.*

Postupajući po Zaključku Vlade FBiH broj: 1008/2025 od 13.06.2025. godine, Agencija je imenovala Komisiju za utvrđivanje stvarnog stanja na obalama rijeke Bosne na lokalitetu poslovne zone „Zenica–Jug“, rješenjem broj: 01-974-1/25 od 04.07.2025. godine.

Nakon obilaska terena, dana 11.07.2025. godine sačinjen je Zapisnik Komisije broj: 01-974-2/25, i dostavljen v.d. direktoru Agencije.

Dana 18.08.2025. godine, dopisom broj: 03-1-7745/24 DR od strane JP za prostorno planiranje i uređenje grada d.o.o. Zenica, dostavljena je dodatna dopuna podneska.

Dana 24.09.2025. godine dostavljen je Zahtjev od strane JP za prostorno planiranje i uređenje grada d.o.o. Zenica za upute o daljim koracima koje podnosilac treba poduzeti vezano za doneseni Zaključak Vlade FBiH.

Dana 25.09.2025. godine, dopisom broj: 03-1-8783/25 A.I. od 24.09.2025. g., od strane podnosioca dostavljena je dopuna podneska – Hidraulička studija dopiranja stogodišnjih velikih voda rijeke Bosne na lokalitetu poslovne zone „Zenica–Jug“ Grad Zenica, izrađena od strane HYDRO CONTROL d.o.o. Sarajevo, septembar 2025. godine.

Dana 10.10.2025. godine sačinjen je Izvještaj Komisije sa stručnim mišljenjem broj: 01-974-3/25, i aktom Agencije broj: 01-974-4/25 od 22.10.2025. godine dostavljen Vladi FBiH i Gradu Zenica.

Dana 29.10.2025. godine, dopisom broj: 03-21-1134/2025 od 27.10.2025. godine, dostavljen je akt Vlade FBiH u kojem se traži da se Vladi dostavi prijedlog akta, u formi utvrđenoj Poslovníkom o radu, o kojem će se Vlada izjasniti.

Dana 09.01.2026. godine, od strane Federalnog ministarstva poljoprivrede, vodoprivrede i šumarstva, Vladi Federacije BiH je dostavljena „Informacija o utvrđivanju stvarnog stanja na obalama rijeke Bosne na lokalitetu poslovne zone „Zenica–Jug“, u formi utvrđenoj Poslovníkom o radu Vlade sa prijedlogom Zaključka za usvajanje.

Dana 21.01.2026. godine, dopisom broj: 03-21-1134-1/2025 AS od 16.01.2026. godine, dostavljen je Zaključak Vlade FBiH V. broj: 57/2026 od 14.01.2026. godine, koji je Vlada FBiH donijela na 65. sjednici održanoj 14.01.2026. godine. U zaključku je navedeno:

- 1. Vlada Federacije Bosne i Hercegovine prihvata Informaciju o utvrđivanju stvarnog stanja na obalama rijeke Bosne na lokalitetu poslovne zone „Zenica–Jug“ sa Hidrauličkom studijom dopiranja stogodišnjih velikih voda rijeke Bosne na predmetnom lokalitetu.*
- 2. Vlada Federacije Bosne i Hercegovine zadužuje Agenciju za vodno područje rijeke Save, Sarajevo, da u daljoj proceduri izdavanja vodnih akata uvaži rezultate hidrauličke analize provedene u sklopu dostavljene Hidrauličke studije, te na osnovu iste ažurira liniju dopiranja stogodišnjih velikih voda rijeke Bosne na predmetnom lokalitetu.*
- 3. Ovaj zaključak stupa na snagu danom donošenja.*

Postupajući po Zaključku Vlade FBiH V. broj: 57/2026 od 14.01.2026. godine, u prostorijama Agencije održan je sastanak sa predstavnicima podnosioca zahtjeva te zaključeno da je potrebno ranije dostavljenu projektnu dokumentaciju dopuniti u cilju izdavanja vodne saglasnosti na istu. Na sastanku je vraćena projektna dokumentacija na potrebne korekcije (dva primjerka vraćena, a jedan zadržan), o čemu je sačinjena službena zabilješka broj: UP-1/21-2-40-285-34/24 od 13.02.2026. godine.

Dana 07.04.2026. godine, uz dopis broj: 02-1-2352/26-HK od 23.03.2026. godine dostavljena je dopuna zahtjeva - korigovana projektna dokumentacija u skladu sa Zaključkom Vlade FBiH, stanjem na terenu, geodetskim elaboratom i Hidrauličkom studijom dopiranja stogodišnjih velikih voda rijeke Bosne na lokalitetu poslovne zone „Zenica–Jug“.

Provođenje aktivnosti na izgradnji pristupnih saobraćajnica usklađeno je sa planskim dokumentima. Za predmetnu izgradnju izdata je lokacijska informacija broj: 03-19-1925/25 dana 05.05.2025. godine, za izgradnju saobraćajnica sa infrastrukturom u „Poslovno-rekreativno turističkoj zoni „Zenica–Jug“, od strane Službe za urbanizam Grada Zenica. Predmetne pristupne saobraćajnice imaju karakter i elemente gradske ulice.

Predmetne saobraćajnice, prema urađenoj Hidrauličkoj studiji dopiranja stogodišnjih velikih voda rijeke Bosne na lokalitetu poslovne zone „Zenica–Jug“ Grad Zenica, se ne nalaze u poplavnom području rijeke Bosne, ali se dijelom nalaze u vodnom dobru vodotoka I kategorije – rijeke Bosne. Zakonom o vodama („Službene novine FBiH“ broj: 70/06) u članu 12. se navodi da

je u vodnom dobru zabranjeno izvoditi zahvate osim izgradnje javne infrastrukture (putevi, željeznice, mostovi i sl.), te je u tom smislu gradnja predmetne saobraćajnice dozvoljena.

Za odvodnju oborinskih voda sa predmetnih saobraćajnica i pripadajućih površina predviđen je sistem unutrašnje odvodnje za prikupljanje, tretman (separatori) i ispuštanje oborinskih voda u recipijent – rijeka Bosna. Na mjestima ispusta prikupljenih voda u recipijent predviđena je izgradnja adekvatnih izljevnih građevina (desna obala).

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnošću, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata koje je potrebno ispuniti prilikom izvođenja predmetnih radova.


Podnosilac zahtjeva je uplatio upravnu taksu u iznosu 60,00 KM u skladu sa članom 7. stav (1) tarifni broj 43. Zakona o federalnim upravnim taksama („Službene novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi ovom organu neposredno, pismeno ili preporučeno putem pošte i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Aida Bezdrob, dipl.inž.građ.

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.građ.

PRILOG:

- Ovjereni: „Glavni projekat: korigovani projekat oborinske vode sa saobraćajnica, njihov tretman, rješavanje oborinskih i brdskih zaobalnih voda u sklopu poslovno – rekreativno – turističke zone Zenica–Jug, grad Zenica“ (knjiga 1 i 2), urađen od strane projektne kuće „Ibis“ d.o.o. Zavidovići, februar 2025. godine, u 2 (dva) primjerka;
- „Glavni projekat oborinske vode sa saobraćajnica, njihov tretman, rješavanje oborinskih i brdskih zaobalnih voda u sklopu poslovno – rekreativno – turističke zone Zenica–Jug, grad Zenica“ (knjiga 1 i 2), urađen od strane projektne kuće „Ibis“ d.o.o. Zavidovići, februar 2025. godine, 1 (jedan) primjerak (ranija verzija);
- Konačni izvještaj o izvršenom pregledu projektne dokumentacije (Glavni projekat izgradnja saobraćajnica u poslovno-rekreativno turističkoj zoni Zenica–Jug“, FAZA I, Projektant: JP za prostorno planiranje i uređenje grada „Zenica“ d.o.o. Zenica, broj: 13-IB-RE/24, „Ibis“ d.o.o. Zavidovići, mart 2024. godine.

Dostaviti:

- JP za prostorno uređenje grada «Zenica» d.o.o. ul. M. Tarabara br.15, 72 000 Zenica (Prilog)
- Grad Zenica – Služba za urbanizam, Trg BiH br. 6, 72000 Zenica
- ☉ ISV - vodna knjiga,
- Sektor 40 - arhiva
- Oglasna ploča AVP Sava